

INFURMAZIUNS E TERMINS

Chers genituors

Da temp in temp survegnan Els fögls cun infurmaziuns chi pertuochan l'andamaint da l'an scolastic 2015/2016. Cun quista charta comunicheis termins e datas ch'ns sun già cuntshaintas. Chosas inaspettedas, chi nu sun planisablas ouravaunt, dargia que adüna darcho. Nus ans permettains da decider cò e lo spontanamaing davart ün u l'oter evenimaint. In quels cas orientaronsa a temp ütil. Grazcha per Lur incletta !

Uras da büro da la mnedra da scoula

Per quist an scolastic velan las sequintas uras da büro :

- Mardi	:	da las 08.30 fin a las 11.30
- Gövgia	:	da las 14.00 fin a las 17.00

Termins per plaschair be tenor cunvegna. Grazcha !

Tant'Elmex

Scoula : In *venderdi aunzmezdi, ils 24-08-18*, vain la tant'Elmex a fer la visita in mincha classa.

Scoulina : In *marculdi aunzmezdi, ils 05-09-18*, vain la tant'Elmex a fer la visita in scoulina.

Visita tal daintist

Scoula : In *lündeschdi, ils 27-08-18*, ho lö la controlla annuela tal daintist da scoula.

Scoulina : In *marculdi, ils 29-08-18 (grands)* ho lö la controlla annuela tal daintist da scoula.

Spassageda d'utuon

In mardi, *ils 04-09-18*, fo la scoula primara sia spassageda d'utuon. (Data da reserva: *lündeschdi, ils 10-09-18*).

Sairedas da genituors

In *lündeschdi, ils 24-09-2018 a las 19.00 h* ho lö la saireda da genituors per tuot las classas da scoula e scoulina.

Il prüm do que infurmaziuns generelas illa seletta e zieva sun aviertas las portas da las singulas staunzas da scoula e da scoulina, inua ch'els survegnan infurmaziuns detagliedas per mincha classa.

Acziun da poms

Düraunt *duos eivnas a partir dals 22-10-18 e duos eivnas a partir dals 14-01-19* vain spüert a mincha scolar/scolara da la scoulina e da la scoula ün pom per la posa. Quist an do que eir darcho poms in scoula per guardar, scha'ls iffaunts predschan darcho la spüerta.

Blocs da nuder

- 1. classa:	2 blocs da nuder à 4 voutas	> november/avrìgl
- 2. classa:	2 blocs da nuder à 4 voutas	> avuost/settember/schner
- 3./4. classa:	1 bloc da nuder à 6 voutas	> favrer/marz
- 5. classa:	1 bloc da nuder à 5 voutas	> settember/october
- 6. classa:	1 bloc da nuder à 5 voutas	> marz/avrìgl

Las infurmaziuns detagliedas per mincha classa survegnan ils scolars/las scolaras da lur magister/magistra a temp ütil.

Per plaschair volver il fögl !

Not d'istorgias

In *gövgia saira, ils 15-11-2018* ho lö nossa not d'istorgias per la 1.-6. classa. Ziev'üna saira interessanta durminsa culs sachs da durmir illas stanzas da scoula. In gövgia zievamezdi haun tuot las classas liber a partir da las 15.45 h per as recreer per la saira e per ir a chesa per lur roba. In venderdi, ils 16 november 2018 haun tuot ils scolars da 1.-6. classa liber.

(Scha vess dad esser cò il bsögn, ch'ün iffaunt stu gnir survaglio düraunt l'aunzmezdi dals 16-11-18, es que da comunicher in scrit a la mnedra da scoula fin il pü tard: mardi, ils 06-11-18.)

Absenzas d'iffaunts

Sch'ün iffaunt mauncha, supplichains als genituors d'infurmer que ouravaunt a las personas responsablas : Magisters da classa, magisters da religiun, mnedra da la maisa da mezdi ed eir als magisters da las lecziuns da lezchas. Impü sun las absenzas chi pertuochan l'instrucziun da scoulina e scoula da noter i'l cudaschin d'absenza. Grazcha. Nrs. da telefon : Dna. Ariane – 076 725 38 71 ; dna. Rita – 078 601 88 23 ; dna. Mary – 079 376 43 34 ; sar Claudio – 079 247 54 66 ; dna. Claudia Caprez - 079 311 49 55.

Ils numers da telefon per religiun daun our ils magisters da religiun sves a lur classas.

Visitas in scoula

Quist an spordschainsa duos dis da visita per genituors, per visiter lur iffaunts illas differentas lecziuns e per survgnir ün purtred da nossa scoula : *25 e 26 favrer 2019.*

Visitas illas classa sun pussiblas düraunt l'inter an da scoula. Per plaschair annunzcher ün di ouravaunt la visita tal magister/tar la magistra ed entrer e sortir be al cumanzamaint u a la fin da las lecziuns e na traunteraint.

Traffic intuorn scoul'e scoulina

Our da motivs da sgürezza Als supplichains urgiantamaing, da nu purter Lur iffaunts cul auto a scoulina, scoula u a gruppa da gö! Nus vains constato, cha per quist motiv circulescha dapü traffic cul solit intuorn la *Chesa dals Pesters ed intuorn scoula.*

Nus cusgliains als genituors d'inchaminer culs iffaunts il viedi da scoulina/scoula/gruppa da gö e dals render attents sün prievels pussibels.

Bös-chin

Nossa festa da Nadel da la scoula primara ho lö in *gövgia, ils 20-12-18 a las 20.00 h* illa baselgia San Luzi. Els sun amiaivelmaing invidos da piglier part a nossa festa da Nadel!

Amiaivels salüds
i'l nom da la magistraglia
Vanessa Roost - Monatsberger